



Inatsisartuni ilaasortaq Kim Kielsen, Siumut
-/Maani

§36 2009-141, Paamiuni innaallagissiorfiliassamut tunngasoq

25. november 2009
Sagsnr. 2009-022711
Dok. Nr. 262766

Asasara Kim Kielsen,
Inatsisartut suleriaasianni § 36, imm. 1 naapertorlugu Naalakkersuisunut
apeqquteqaatinnut qujanaq.

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: aan@gh.gl
www.nanoq.gl

Apeqqut:

Naalakkersuisunut apeqqutit: Ilumoorpa Paamiuni innaallagissiorfiliortoqarnissaanut
atatillugu Inuussutissarsiutit pillugit inatsimmi aalajangersakkat saneqqullugit
suliffeqarfik Qallunaat Nunaanneersoq Naalakkersuisut sulitinniaaraat,
saneqqutilersaarlugilluunniit suliffeqarfik Qallunaat Nunaanneersoq Naalakkersuisut
sultinnialeraat?

Ilumoorpa suliffeqarfik immikkut piumaasaqaateqarluni nunanit allamiunik
sulisoqarnissanissani qinnutigisimagaa, takuuk Inatsisartut Inatsisaat nr. 27, 30. oktober
1992-immersoq?

Naalakkersuisut isumaqarpat taamatut immikkut piumasaqarneq suliarinnittussar-
siuussisarnermi malittarisat atuuttut malillugit iliornerusoq? – taamaattoqarsimappat
qanoq tamanna aningaasalersomeqassava?

Naalakkersuisut isumaqarpat nunatta aningaasaqarniarnera eqqarsaatigalugu
aalajangiineq isumatusaarnersooq, tassami neqerooruteqartut akikinnerpaartaata
tulliatalu assigiinngissutaat 4%-ip missaaniimmat?

Naalakkersuisut nassuiarsinnaavaat uani pineqartumi inuussutissarsiutit pillugit
inatsimmi immikkut akuersinissamut suut tunngaviunersut?

Akissut:

Aallarniutigalugu ilisimatissavakkit, suliassat pisortanit neqerooruteqartitsivigineqartut
tamarmik ajornartinnagu nunap iluani suliffeqarfinit suliarineqartarnissaat, aammalu
aatsaat pisariaqartillugu suliffeqarfinnut nunanit allaneersunut tunniunneqartarnissaat
pillugu isumaqatigilluinnarakkit.

Suliariumannittussarsiuussinerni soorunami inatsisit atuuttut malinneqartartussaapput,
aammalu Nukissiorfiit aamma taamatut isumaqartoq qularinngilluinnarpara. Nukissiorfiit
inuaqatigiit sinnerlugit neqerooruteqartitsisartutut, sanaartukkanik nukimmik
pilersuinermut atorneqartussanik suliariumannittussarsiuussisarnermi suliffeqarfiit nunap

iluanersut sapinngisamik amerlanerpaat peqataasarnissaat kisiat soorunami soqutigisaraat.

Nukissiorfiit 5. november 2009-mi suliffeqarfimmut pineqartumut inuussutissarsiormermit inatsimmik saneqqutsisinnaanissamik qinnuteqarsimmata iluoorpoq. Naalackersuisut qinnuteqaat suliarileruttorpaat tusarniaanermillu ingerlatsisoqareerluni, kisiannili immikkut ittumik akuersissuteqartoqassanersoq oqaatigissallugu sulii siusippallaarpoq, suliaq maannarkkopiaq ingerlanneqarmat.

Suliariumannittussarsiuussisarnerit ataatsimut isigalugit oqaatigineqarsinnaavoq, sanaartukkanik ingerlatsisoqartillugu eqqarsaatigineqartussaammata, ilaatigut aningaasaqarneq piffissamullu pilersaarut eqqarsaatigineqartussaallutik. Tassalu suliaqarfimmi politikikkut oqartussaasut nunap karsianit aningaasat naapertuuttumik atornerqarsut nakkutigissallugu pisussaaffigaara.

Suliami matumanerpiaq neqeroorutini akikinnerpaaq aamma akikinnerpaap tullia 800.000 koruunit missaannik nikingapput. Neqeroorut akikinnerpaaq aamma immikkut suliaasanut periarfissanik, Nukissiorfinnut 200.000 koruunit missaannik naleqartussanik ilaqartinneqarpoq. Tamatuma saniatigut neqeroorutip akikinnerpaap tulliani pissutsit neqerooruteqartitsineri najoqqutassani allassemasut tamarmik naammassineqanngillat.

Kiisalu ilisimatitsissutigineqarsinnaavoq, neqerooruteqartut pingasuusut tamarmik neqeroorummini, Inatsisartut inatsisaanni Kalaallit Nunaannut sulisunik tikitsisarnermut maleruagassanut arlaatigut attuumassuteqartunik tunuarsimaarfeqarmata. Taamaalluni neqeroorutit pingasuusut tassunga tunngatillugu akunnermini annertuumik allaassuteqanngillat. Tamatumunnga tunngatillugu Nukissiorfiit ilisimatitsissutigaat, suliaq tamangajammik sulisunit tikisitanit suliarineqartariaqartut, tamannalu aamma nunap iluani suliffeqarfiit suliasamik isumaginninnissaannut aamma atuuttoq.

Neqerooruteqartut tunuarsimaarfeqartarnerat imminermini ajoquteqanngilaq. Neqerooruteqartut pingasuusut tamarmik oqaatigineqareersutut avataaniit sulisussanik atorfinitsinissamut tunngatillugu tunuarsimaarfeqarmata, akinik aalajangersaanissaq pisariaqanngilaq.

Taakku saniatigut aamma nunap iluani suliffeqarfiit marluk neqeroorutaat GA Sulisitsisut tunuarsimaarfigisartagaannik nalinginnaasunik imaqarput. Tunuarsimaarfeqarnermulli akigititassaq imaaliiallaannaq aalajangerneqarsinnaanngilaq. Tassalu nalinginnaasumik neqeroorutit taakku marluk suliariumannittussarsiuussisarnermit inatsit naapertorlugu tunuartinneqartussaapput.

Tamatuma saniatigut neqeroorutip akikinnerpaap saniatigut allamik toqqaanissaq suliariumannittussarsiuussisarnermit inatsimmik uniuinerusussaavoq. Taamaattumik suliariumannittussarsiuussineri matumani nunap iluani suliffeqarfiit eqqarsaatigineqarnissaat kisiat tunngavigalugu neqerooruteqartup akikinnerup tullia toqqaarneqarnissaa Naalackersuisut tunngavissaqanngitsutut isigaa. Suliariumannittussarsiuussineq taamaattillugu nutaamik aallartitsinissaq – piffissap akisuup annaaneqarnerata aningaasanillu annaasaqarnerup saniatigut – Nukissiorfiit sanatitsisutut pimoorussinngitsutut isigineqalerneranik kinguneqarsinnaavoq.

Naggasiutigalugu ilisimatitsissutigisinnaavara, Nukissiorfiit danskit suliffeqarfiat pineqartoq Kalaallit Nunaanni inuussutissarsiortunik nalunaarsuiffimmut nalunaarsortinnissani qanoq isumaqarfigineraa pillugu paasiniaaffigereermagu. Suliffeqarfik pineqartoq taamatut aperineqarnermini akuersaarluni akissuteqarpoq.

Inussiarnersumik inuulluaqqusillunga

Jens B. Frederiksen